

ՀԱՍՏԱՏՎԱԾ Է

Տպագրված է ընդամենը 4 օրինակ
ՕՐԻՆԱԿ -----

«ԱՍԱՏՐՅԱՆ ԵՂԲԱՅՐՆԵՐ»
սահմանափակ պատասխանատվությամբ
ընկերության մասնակցի

ԳՐԱՆՑՎԱԾ Է

ՁԵՌՆԱՐԿՈՒԹՅՈՒՆՆԵՐԻ ՊԵՏԱԿԱՆ
ՌԵԳԻՍՏՐՈՒՄ

«12» 01 2009թ.

«28» 03 1995 թ.
Գրանցման N 282.070.00826

Թիվ 1 որոշմամբ

Վկայական N 01 Ա 008706

Տնօրեն

Կապույտ Մարգարյան




Թիվ 22 փոփոխությունը գրանցված է
իրավաբանական անձանց
պետական ռեգիստրի

Նոր-Նորրի տարածքային բաժնում

« 20 » 06 2009 թ

Տարածքային Բաժնի Պետ

Ա. ՀՈՎՀԱՆՆԻՍՅԱՆ



Կ Ա Ն Ո Ն Ա Դ Ր ՈՒ Թ Յ ՈՒ Ն

“ԱՍԱՏՐՅԱՆ ԵՂԲԱՅՐՆԵՐ”

ՍԱՀՄԱՆԱՓՈՎ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ
(Նոր խմբագրությամբ)

Երևան 2009թ.

Ներածություն

- ԲԱԺԻՆ 1. ԸՆԴՀԱՆՈՒՐ ԴՐՈՒՅԹՆԵՐ
- ԲԱԺԻՆ 2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ
- ԲԱԺԻՆ 3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ
- ԲԱԺԻՆ 4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ
- ԲԱԺԻՆ 5. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ
- ԲԱԺԻՆ 6. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ
- ԲԱԺԻՆ 7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ
- ԲԱԺԻՆ 8. ԸՆԿԵՐՈՒԹՅԱՆ ՄԱՍՆԱՃՅՈՒՂԵՐ ԵՎ ՆԵՐԿԱՅԱՑՈՒՑՉՈՒԹՅՈՒՆՆԵՐ
- ԲԱԺԻՆ 9. ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ
- ԲԱԺԻՆ 10. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

«ԱՍԱՏՐՅԱՆ ԵՂԲԱՅՐՆԵՐ» ՍՊԸ կանոնադրություն

«ԱՍԱՏՐՅԱՆ ԵՂԲԱՅՐՆԵՐ» ՍՊԸ-Ն ՀԱՆԴԻՄԱՆՈՒՄ Է ԹԱՏԵՐԱԿԱՆ ԳՈՐԾԻՉՆԵՐԻ ՄԻՈՒԹՅԱՆ «ԳԻՍԱԿ-8» ԳՈՒՍՏՐ ՁԵՌՆԱՐԿՈՒԹՅԱՆ ԻՐԱՎԱՀԱՋՈՐԴԸ: ՍՈՒՅՆ ԿԱՆՈՆԱԴՐՈՒԹՅՈՒՆԸ ՎԵՐԱՄՔԱԳՐՎԵԼ Է ՄԱՍՆԱԿԻՑՆԵՐԻ ԿԱԶՄԻ ՓՈՓՈԽՈՒԹՅԱՆ ՊԱՏՃԱՌՈՎ:

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ԱՍԱՏՐՅԱՆ ԵՂԲԱՅՐՆԵՐ» սահմանափակ պատասխանատվությամբ ընկերությունը /հետագայում Ընկերություն/ համարվում է մեկ անձի կողմից հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի: Ընկերության հիմնադիրը և (կամ) մասնակիցները պատասխանատու չեն Ընկերության պարտավորությունների համար և իրենց ներդրած ավանդների արժեքի սահմաններում կրում են Ընկերության գործունեության կապված վնասների ռիսկը: Ընկերության հիմնադիրն է Թատերական Գործիչների Միությունը:

1.2. Ընկերության իրավունակությունը ծագում է նրա ստեղծման /պետական գրանցման/ և դադարում է լուծարման ավարտի /լուծարման մասին պետական գրանցամատյանում գրառման/ պահից:

1.3. Ընկերությունն ունի իր ֆիրմային անվանմամբ կրթ կնիք /հայերեն, ռուսերեն և անգլերեն գրառումներով/, դրոշմներ և բլանկներ, ինչպես նաև օրենքով սահմանված կարգով գրանցված խորհրդանիշ, ապրանքային, առևտրային և այլ նշաններ ու ֆիրմային այլ ռեկվիզիտներ:

1.4. Ընկերությունն իր գործունեության ընթացքում ղեկավարվում է Հայաստանի Հանրապետության Քաղաքացիական Օրենսգրքով (այսուհետ՝ Օրենսգրք) «Սահմանափակ պատասխանատվությամբ ընկերությունների մասին» ՀՀ օրենքով (այսուհետ՝ Օրենք) Հայաստանի Հանրապետության իրավական այլ ակտերով և սույն կանոնադրությամբ:

1.5. Ընկերության մասնակիցների և Ընկերության միջև հարաբերությունները կարգավորվում են սույն կանոնադրությամբ:

1.6. Ընկերությունն իր պարտավորություններով պատասխանատու է իրեն պատկանող ամբողջ գույքով:

Ընկերությունը պատասխանատու չէ իր մասնակիցների պարտավորությունների համար:

1.7. Հայաստանի Հանրապետությունը, համայնքները և տեղական ինքնակառավարման մարմինները պատասխանատվություն չեն կրում Ընկերության պարտավորությունների համար:

Ընկերությունը պատասխանատվություն չի կրում Հայաստանի Հանրապետության, համայնքների պետական և տեղական ինքնակառավարման մարմինների պարտավորությունների համար:

1.8. Ընկերության ֆիրմային անվանումն է հայերեն լրիվ «ԱՍԱՏՐՅԱՆ ԵՂԲԱՅՐՆԵՐ» սահմանափակ պատասխանատվությամբ ընկերություն կրճատ «ԱՍԱՏՐՅԱՆ ԵՂԲԱՅՐՆԵՐ» ՍՊԸ

ռուսերեն լրիվ «АСАТՐՅАН ЕГБАЙРНЕР» Общество с Ограниченной Ответственностью « կրճատ «АСАТՐՅАН ЕГБАЙРНЕР» ООО

անգլերեն լրիվ «ASATRYAN EGHBAYRNER» Limited Liability Company « » Company Limited կրճատ «ASATRYAN EGHBAYRNER» LLC «ASATRYAN EGHBAYRNER» Co.LTD

1.9. Ընկերության գտնվելու վայրը և իրավաբանական /փոստային հասցեն/ է.

375, ՀՀ, Զ. ԵՐԵՎԱՆ, ՌՈՒԲԻՆՅԱՆՅ ՆՐԲ. 3

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1. Ընկերության գործունեության նպատակն է տնտեսական գործունեություն /այդ թվում առևտրային/ իրականացնելու ճանապարհով շահույթի ստացումը:

2.2. Ընկերության գործունեության հիմնական տեսակներն են.

- Պլաստմասայե իրերի արտադրություն
- Կենցաղային ապրանքների մանրածախ և մեծածախ առևտուր
- Մեծածախ առևտրի միջնորդ ծառայություններ
- Սննդամթերքների, ըմպելիքների և ծխախոտի արտադրանքների մանրածախ և մեծածախ առևտուր
- Կոշիկի արտադրություն
- Հազուստի արտադրություն

- Կաթնամթերքների արտադրություն և առևտուր
- Փայտի վերամշակման արտադրություն և վաճառք
- Թղթի և անձեռոցիկների արտադրություն և վաճառք

2.3. Ընկերությունը կարող է իրականացնել օրենքով չարգելված ցանկացած տնտեսական գործունեություն:

Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի (հատուկ թույլտվության) առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

2.4. Ընկերությունն իր արտադրանքը, ինչպես նաև ձեռք բերած ապրանքները և մթերքները իրացնելու նպատակով կարող է ունենալ շարժական և անշարժ առևտրական կետեր Հայաստանի Հանրապետությունում և արտասահմանում:

2.5. Նշված բոլոր արտադրանքները և ծառայությունները Ընկերությունը կատարում է պայմանագրային կարգով, եթե գործող օրենսդրությամբ այլ բան չի նախատեսված, ինչպես կանխիկ դրամով, այնպես էլ փոխանցման կարգով, պահպանելով պետականորեն գործող կանոններն ու կարգը:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից Ընկերությունը ձեռք է բերում իրավաբանական անձի կարգավիճակ:

Ընկերությունը, որպես սեփականությունը, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունը ունի ինքնուրույն հաշվեկշիռ, Հայաստանի Հանրապետության և օտարերկրյա բանկային հիմնարկություններում՝ հաշվարկային հաշիվներ (դրամով, տարադրամով):

3.2. Ընկերությունը կարող է լինել այլ Ընկերության (այդ թվում դուստր ու կախյալ) հիմնադիր (մասնակից), բացառությամբ Օրենսգրքով և այլ օրենքներով նախատեսված դեպքերի:

3.3. Ընկերությունն իրավունք ունի ստեղծել առանձնացված ստորաբաժանումներ (մասնաճյուղեր և ներկայացուցչություններ), ինչպես Հայաստանի Հանրապետության, այնպես էլ այլ պետությունների տարածքում:

Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկ:

Ընկերության առանձնացված ստորաբաժանումները և հիմնարկները իրավաբանական անձինք չեն և գործում են Ընկերության լիազորագրի հիման վրա:

3.4. Ընկերությունն իրավունք ունի.

- ՀՀ օրենսդրությամբ չարգելված ցանկացած ձևերով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը.
- ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տարածել արժեթղթեր.
- օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու.
- օրենսդրությամբ սահմանված կարգով արտահանել և ներմուծել գույքի օբյեկտներ, արտադրված և գնված և այլ օրինական ձևով ստացված արտադրանք, ծառայություններ

մատուցել և աշխատանքներ կատարել օտարերկրյա իրավաբանական անձանց և (կամ) ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և (կամ) ձեռնարկություններ և անդամակցել իրավաբանական անձանց և (կամ) ձեռնարկությունների:

- օգտվել օրենսդրությամբ և սույն կանոնադրությամբ սահմանված այլ իրավունքներից:
- 3.5. Ընկերությունը պարտավոր է.
- օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն.
 - աշխատանքային պայմանագրեր կնքել Ընկերության աշխատակիցների հետ.
 - պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ հարկ եղածին պես չկատարելու, այլ անձանց սեփականության իրավունքը խախտելու համար.
 - օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտապանների օրինական գույքային պահանջները.
 - անհապաղ տեղեկություններ հրապարակել սահմանափակ պատասխանատվությամբ ընկերության կանոնադրական կապիտալի կամ բաժնետիրական ընկերության քվեարկող բաժնետոմսերի ավելի քան քսան տոկոսը ձեռք բերելու մասին.
 - ապահովել Ընկերության փաստաթղթերի(Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումը.
 - կրել օրենսդրությամբ և սույն կանոնադրությամբ սահմանված այլ պարտականություններ:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

4.1. Անձը համարվում է ընկերության մասնակից իրավաբանական անձանց պետական գրանցումն իրականացնող մարմնի կողմից ընկերության մասնակիցների գրանցամատյանում գրանցվելու պահից:

4.1.1 Ընկերության մասնակիցներ են համարվում այն անձինք, ովքեր նշված են սույն կանոնադրության 6.1. կետում: Մասնակիցները կարող են փոփոխվել Ընկերության կանոնադրությամբ սահմանված կարգով՝ մասնակիցների ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա բռնագանձում տարածելու դեպքում:

Ընկերությունը չի կարող որպես միակ մասնակից ունենալ մեկ անձինց կազմված այլ տնտեսական ընկերություն:

4.2. Ընկերության մասնակիցներն իրավունք ունեն .

- սույն կանոնադրությամբ կարգով մասնակցել Ընկերության կառավարմանը.
- հանդես գալ առաջարկություններով Ընկերության մասնակիցների ընդհանուր ժողովում.
- Ընկերության մասնակիցների ընդհանուր ժողովում քվեարկել իրեն պատկանող լրիվ վճարված բաժնեմասերի ձայների չափով.
- ստանալ Ընկերության գործունեությունից ստեղծվող շահույթի (դիվիդենտի) մասը.
- Ընկերության լուծարվելու դեպքում ստանալ պարտատերերի հետ կատարված հաշվարկներից հետո մնացած գույքի մասը կամ դրա արժեքը.
- տեղեկատվություն ստանալ Ընկերության գործունեության մասին, ծանոթանալ հաշվապահական հաշվառման, հաշվետվության, Ընկերության արտադրատնտեսական գործունեության այլ փաստաթղթերի հետ.

- ցանկացած ժամանակ դուրս գալ Ընկերությունից (անկախ մյուս մասնակիցների համաձայնությունից)։
- հայցով դիմել դատարան՝ Ընկերության մասնակիցների ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների գանգատարկման նպատակով։
- Ընկերության միջոցների հաշվին Ընկերության կանոնադրական կապիտալի ավելացման դեպքում անվճար ստանալ համապատասխան քանակությամբ բաժնեմասեր։
- օգտվել Ընկերության կանոնադրությամբ նախատեսված այլ իրավունքներից։
- Ընկերության մասնակիցները պարտավոր են։
- սույն կանոնադրությամբ կամ Ընկերության մասնակիցների ընդհանուր ժողովի որոշմամբ սահմանված կարգի համաձայն կատարել ներդրումներ։
- չհրապարակել գաղտնի տեղեկություններ Ընկերության գործունեության վերաբերյալ։
- կատարել Ընկերության նկատմամբ ստանձնած պարտավորությունները։
- պահպանել սույն կանոնադրության դրույթները։

4.4. Ընկերության մասնակիցը (մասնակիցները), որը (որոնք) գումարային առումով տնօրինում է (են) ընկերության առնվազն 10 տոկոս բաժնեմասը, իրավունք ունի(են) դատական կարգով պահանջել ընկերության այլ մասնակցի հեռացումն ընկերությունից, եթե նա իր գործողություններով կամ անգործությամբ դժվարացնում է կամ անհնարին է դարձնում ընկերության բնականոն գործունեությունը։ Ընկերությունից հեռացված մասնակցի բաժնեմասն անցնում է ընկերության տրամադրության տակ։ Ընկերությունը պարտավոր է հեռացված մասնակցին վճարել բաժնեմասի արժեքը սույն կանոնադրության 4.5. կետով սահմանված կարգով։

4.5. Ընկերությունից դուրս եկող մասնակցի հետ հաշվարկները կատարվում են հետևյալ կարգով։

- վճարվում է կանոնադրական կապիտալում նրա բաժնեմասին համապատասխանող գույքի արժեքը (բնեղենով կամ դրամով)։
- բաժնեմասի կամ գույքի արժեքը որոշվում է դուրս գալու պահին կազմված հաշվեկշռով որոշված Ընկերության գուտ ակտիվների արժեքով։
- եթե մասնակցի կողմից ներդրվել է գույքի օգտագործման իրավունք, ապա գույքը վերադարձվում է առանց հատուցելու մաշվածությունը։
- մասնակիցը պարտավոր չէ վերադարձնել իր կողմից բարեխղճորեն ստացված շահույթը։

Ընկերությունը պարտավոր է մասնակցին վճարել բաժնեմասի արժեքը ընկերությունից դուրս գալու մասին դիմումը ներկայացնելու պահից՝ 6 ամսվա ընթացքում։

4.6. Ընկերության կանոնադրությամբ կամ Ընկերության մասնակիցների ընդհանուր ժողովի որոշմամբ հաստատված կարգով սահմանված ժամկետում ներդրումներ չկատարող մասնակիցը պարտավոր է ուշացման համար վճարել չմոծված գումարի 10%-ի չափով տուգանք (ավանդների ներդնելու պարտականությունը խախտելու համար)։ Սահմանված ժամկետից 3 ամսվա ընթացքում գումարը չմոծելու դեպքում մասնակիցը վտարվում է Ընկերությունից կամ համապատասխան չափով փոքրացվում է նրա բաժնեմասը, նրա բաժնեմասերը մասնակիցների միաձայն համաձայնությամբ կամ բաժանվում են մնացած մասնակիցների միջև, կամ համապատասխան չափով պակասեցվում է կանոնադրական կապիտալը։

4.7. Այն մասնակիցը, որը սույն կանոնադրությամբ նախատեսված իր պարտականությունները չի կատարում կամ ոչ պատշաճ ձևով է կատարում, կամ իր գործողություններով խոչնդոտում է Ընկերության նպատակներին հասնելուն, կարող է հեռացվել Ընկերությունից՝ մասնակիցների միաձայն որոշմամբ։

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ԲԱԺՆԵՄԱՍԸ ՓՈԽԱՆՑԵԼԸ

5.1 Ընկերության մասնակիցներն ունեն իրենց սեփականությունը հանդիսացող բաժնեմասերը (դրանց մասը) օտարելու կամ այլ՝ օրենքով չարգելված ձևով, այլ անձանց փոխանցելու իրավունք։ Ընդ որում, մյուս մասնակիցներն ունեն այդ բաժնեմաս նույն գնով ձեռքբերման նախապատվության իրավունք։ Մասնակիցների կողմից իրենց վաճառվող բաժնեմասերի ձեռքբերման նախապատվության իրավունքը չիրականացնելու դեպքում բաժնեմասերը կարող են

օտարվել երրորդ անձանց:

5.2. Երրորդ անձանց օտարման անհնարինության դեպքում Ընկերությունն ինքը պարտավոր է ձեռք բերել մասնակցի բաժնեմասը, եռամսյա ժամկետում այլ մասնակիցների կամ երրորդ անձանց իրացնել կամ որոշում ընդունել Ընկերության կանոնադրական կապիտալի նվազեցման մասին:

5.3. Մասնակիցների նախապատվության իրավունքի (այլ մասնակիցների կողմից վաճառվող բաժնեմասերի ձեռքբերման) իրականացման ժամկետը սահմանվում է 30 օր: Մասնակիցների նախապատվության իրավունքի իրականացման ժամկետը չի կիրառվում այլ դեպքում, երբ իրենց բաժնեմասը կամ դրանց մի մասը օտարելու ցանկություն են հայտնել Ընկերության բոլոր մասնակիցները միաժամանակ: Ընկերության բաժնեմասերի շուկայական արժեքի որոշման անհրաժեշտության դեպքում հաշվի է առնվում Ընկերության գուտ ակտիվների մեծությունը: Այդ դեպքում կողմերից որևէ մեկի պահանջով բաժնեմասերի արժեքը (կամ ընկերության գուտ ակտիվների մեծությունը) սահմանվի անկախ գնահատողի (աուդիտորի) կողմից:

5.4. Ընկերության կանոնադրական կապիտալի բաժնեմասերն անցնում են Ընկերության մասնակից քաղաքացիների ժառանգներին և իրավաբանական անձանց իրավահաջորդներին միայն Ընկերության մնացած մասնակիցների միաձայն համաձայնությամբ: Ընդ որում բաժնեմասն անցնելու համար համաձայնություն չտալու, ինչպես նաև ժառանգի (իրավահաջորդի) բաժնեմասից հրաժարվելու դեպքում դրա արժեքի վճարումը կատարվում է սույն կանոնադրության 4.5. կետում սահմանված կարգով:

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ

6.1. Ընկերությունը հանդիսանում է սեփականատեր՝

- այն գույքի, որը մասնակիցները որպես փայտափրական վճարումներ կամ այլ պայմանավորվածությամբ նրան են հանձնել.
- Ընկերության տնտեսական գործունեության հետևանքով արտադրված արտադրանքի.
- ստացված եկամուտների.
- գործող օրենսդրությամբ չարգելված հիմունքներով ձեռք բերած գույքի:

Ընկերության սեփականության ներքո կարող է գտնվել ցանկացած գույք՝ բացառությամբ առանձին տեսակների, որոնք օրենքին համապատասխան չեն կարող պատկանել իրավաբանական անձանց: Ընկերության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու ու տնօրինելու առանձնահատկությունները, կապված գույքը Ընկերության սեփականությանը պատկանելու հանգամանքի հետ, սահմանվում են միայն օրենքներով:

6.2. Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:

Կանոնադրական կապիտալում մասնակցի բաժնեմասը գնահատվում է տեղական արժույթով: Ընկերության հիմնադիրների(մասնակիցների) կամ ընկերության մեջ ընդգրկվող երրորդ անձանց կողմից ներդրվող ոչ դրամական ավանդների դրամական գնահատականը հաստատվում է ընդհանուր ժողովի կողմից՝ միաձայն կարգով: Եթե ընկերության մասնակցի ոչ դրամային ավանդով վճարվող բաժնեմասի անվանական արժեքը (անվանական արժեքի մեծացումը)ավելի է ընկերության պետական գրանցման համար փաստաթղթեր ներկայացնելու պահին սահմանված նվազագույն աշխատավարձի 500-ապատիկից, ապա նման ավանդը պետք է գնահատվի անկախ գնահատողի (աուդիտորի) կողմից:

6.3 Եթե գույքը, նյութական արժեքները, ֆինանսական և այլ ռեսուրսները փոխանցվում են Ընկերության միայն օգտագործման նպատակով, ապա ներդրման չափը և համապատասխանաբար մասնակից-վարձատուի բաժնեմասը որոշվում է ելնելով այդ գույքի օգտագործման դիմաց տրվող վարձակալական վճարից:

Ընկերությունը ժամանակավոր օգտագործման տրված գույքի պատահական կորստի կամ վնասման ռիսկը դրվում է այդ գույքը փոխանցած մասնակցի վրա:

6.4. Ընկերությունում ստեղծվում է պահուստային (ապահովագրական)կապիտալ կանոնադրական կապիտալի 15%-ի չափով: Այս կապիտալի ձևավորումը իրականացվում է շահույթից կատարվող տարեկան մասհանումների միջոցով մինչև նախատեսված չափերին

հասնելը: Պահուստային կապիտալ կատարվող մասհանումների չափը սահմանվում է մաքուր շահույթի 5%-ից պակաս:

Պահուստային կապիտալի միջոցների ծախսման կարգը որոշվում է մասնակիցների ընդհանուր ժողովի կողմից:

6.5. Սահմանված կարգով առաջացող շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան:

6. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

6.1. Ընկերության կանոնադրական կապիտալը կազմում է 2228000(երկու միլիոն երկու հարյուր քսանութ հազար) դրամ, որը բաժանված է 2228 բաժնեմասերի, մեկ բաժնեմասի անվանական արժեքը կազմում է 1000 դրամ:

Կանոնադրական կապիտալը սահմանում է պարտատերերի շահերը երաշխավորող ընկերության գույքի նվազագույն չափը: Ընկերության կանոնադրական կապիտալը չի կարող պակաս լինել սահմանափակ պատասխանատվությամբ ընկերությունների մասին օրենքով սահմանված չափից:

Ընկերության բոլոր 2228 բաժնեմասերը տեղաբաշխված են, լրիվ վճարված և պատկանում են Ընկերության հիմնադիրին, որը հանդիսանում է Ընկերության միակ մասնակից:

Ընկերության մասնակիցն է ՀԱԿՈԲ ՍԱՐԳՍՅԱՆԸ, Բնակության վայրը. Զ. ԵՐԵՎԱՆ, ԴՐՈՅԻ ՓՈՂՈՑ, ՇԵՆՔ 3, ԲՆԱԿԱՐԱՆ 21

6.2 Ներդրված գույքի արժեքի փոփոխությունը և կանոնադրական կապիտալում մասնակիցների կողմից կատարված լրացուցիչ ներդրումները չեն ազդում յուրաքանչյուր մասնակցի ունեցած բաժնեմասի վրա, եթե սահմանված կարգով համապատասխան փոփոխություններ չեն մտցվել սույն կանոնադրությունում:

6.3. Իր ներդրումն ամբողջությամբ կատարած մասնակցին տրվում է վկայական, որը չի դասվում արժեթղթերի կարգին:

6.4. Ընկերության մասնակիցները կարող են իրենց բաժնեմասերը օտարել սույն կանոնադրության 5.1. կետի վերջին մասով սահմանված կարգով:

6.5. Ընկերության կանոնադրական կապիտալի բաժնեմասերն անցնում են Ընկերության մասնակից քաղաքացի ժառանգներին և իրավաբանական անձանց իրավահաջորդներին միայն Ընկերության մնացած մասնակիցների միաձայն համաձայնությամբ: Ընդ որում բաժնեմասն անցնելու համար համաձայնություն չտալու, ինչպես նաև ժառանգի (իրավահաջորդի) բաժնեմասից հրաժարվելու դեպքում դրա արժեքի վճարումը կատարվում է սույն կանոնադրության 4.5. կետում սահմանված կարգով:

6.6 Ընկերությունը կարող է փոփոխել կանոնադրական կապիտալի մեծությունը: Այդ մասին որոշումը ուժի մեջ է մտնում պետական ռեգիստրում համապատասխան փոփոխությունների պետական գրանցման պահից:

Կանոնադրական կապիտալի մեծացումը կարող է կատարվել.

- Ընկերության գույքի հաշվին.
- Ընկերության մասնակիցների լրացուցիչ ներդրումների հաշվին.
- երրորդ անձանց ներդրումների հաշվին:

Ընկերության մասնակիցների լրացուցիչ կամ երրորդ անձանց ներդրումների հաշվին կանոնադրական կապիտալի մեծացման մասին որոշումն ընդունվում է Ընկերության մասնակիցների միաձայն որոշմամբ, որով որոշվում է լրացուցիչ ներդրումների գումարային արժեքը և ներդրումների կատարման կարգն ու ժամկետները:

Սահմանված ժամկետի ավարտից հետո Ընկերության մասնակիցների ընդհանուր ժողովը պարտավոր է որոշում ընդունել (ձայների որոկյալ մեծամասնությամբ) ներդրումների հաշվին ձևավորված կանոնադրական կապիտալի և դրա հետ կապված սույն կանոնադրության փոփոխությունը հաստատելու մասին:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության գուտ ակտիվների արժեքը պակաս է կանոնադրական կապիտալից, ապա Ընկերությունը պարտավոր է հայտարարել իր կանոնադրական կապիտալի նվազման մասին և սահմանված կարգով գրանցել դրա նվազումը: Եթե Ընկերության նշված ակտիվների արժեքը պակասում է կանոնադրական կապիտալի օրենքով սահմանված նվազագույն չափից, Ընկերությունը ենթակա է լուծարման:

Ընկերության կանոնադրական կապիտալի նվազեցում թույլատրվում է նրա բոլոր պարտատերերի առաջացած պարտավորությունները կատարելուց հետո : Վերջիններս այդ դեպքում իրավունք ունեն պահանջել վաղաժամկետ կատարելու կամ դադարեցնելու Ընկերության համապատասխան պարտավորությունները և հատուցելու վնասները:

Ընկերության կանոնադրական կապիտալի նվազեցումը կարող է կատարվել բոլոր մասնակիցների բաժնեմասերի անվանական արժեքների փոքրացմամբ և (կամ) Ընկերությանը պատկանող բաժնեմասերի մարմամբ:

Կանոնադրական կապիտալի մեծացման կամ փոքրացման մասին որոշումն ուժի մեջ է մտնում այդ փոփոխության պետական գրանցման պահից:

7.7. Ըստ Ընկերության պարտավորությունների, չի թույլատրվում նրա կողմից բռնագանձում կատարել մասնակցի փայի նկատմամբ: Մասնակցի պարտքերը մարելու համար, նրա ունեցվածքի անբավարարության դեպքում վարկատուներն իրավունք ունեն սույն կանոնադրության 4.5. կետում սահմանված կարգով պահանջել փայի առանձնացում:

7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

8.1. Ընկերության կառավարման բարձրագույն մարմինը մասնակիցների կամ (նրանց լիազորված ներկայացուցիչների) ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Կոլեկտիվ մասնակիցներից Ընկերության ընդհանուր ժողովին մասնակցում է մեկ ներկայացուցիչ: Կոլեկտիվ մասնակիցների ներկայացուցիչները կարող են նշանակվել ժամանակավորապես կամ մշտական: Մասնակիցն իրավունք ունի ցանկացած ժամանակ փոխարինելու իր լիազոր ներկայացուցիչին՝ այդ մասին տեղյակ պահելով մյուս մասնակիցներին: Մասնակիցն իրավունք ունի իր լիազորությունները փոխանցել այլ մասնակցի կամ այլ մասնակցի ներկայացուցչի: Մասնակիցներն ունեն կանոնադրական կապիտալուն իրենց բաժնեմասերին համապատասխան ձայների քանակություն:

Այն դեպքում, երբ ընդհանուր ժողովի որոշմամբ շոշափվում են Ընկերության միայն մեկ անդամի շահերը, մասնավորապես Ընկերությունից մասնակցի վտարման հարցը քննարկելիս, այդ մասնակիցը կամ նրա լիազոր ներկայացուցիչը քվեարկությանը չի մասնակցում:

Ընկերության ընդհանուր ժողովն ընտրում է իր նախագահին:

8.2. Ընկերության ընդհանուր ժողովի բացառիկ իրավասությանն են պատկանում.

1. Ընկերության կանոնադրության մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ.

2. մասնակցի ազատումը և նոր մասնակցի ընդունումը, այդ թվում՝ մասնակցի ժառանգների (իրավահաջորդներին) բաժնեմասի փոխանցման միջոցով.

3. մասնակցի կողմից օտարվող բաժնեմասերի ձեռքբերումը և դրանց իրացումը սույն կանոնադրությամբ նախատեսված դեպքում.

4. մասնակցի հեռացումը (վտարումը) սույն կանոնադրությամբ նախատեսված դեպքերում.

5. Ընկերության վերակազմակերպումը.

6. Ընկերության լուծարումը, լուծարային հանձնաժողովի նշանակումը.

7. Ընկերության կանոնադրական կապիտալի չափի մեծացումը.

8. Ընկերության կանոնադրական կապիտալի չափի փոքրացումը.

9. Ավանդների գանձման մասին որոշման ընդունումը.

10. Գուտոր և կախյալ ընկերությունների հիմնադրումը.

11. Ընկերության տնօրենի (գլխավոր տնօրենի, գործադիր տնօրենի) նշանակումը, նրա լիազորությունների վաղաժամկետ դադարեցումը.

12. Ընկերության վերստուգիչ հանձնաժողովի անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը.

13. Ընկերության առողիտն իրականացնող անձի հաստատումը.

14. Ընկերության տարեկան հաշվետվությունների, հաշվապահական հաշվեկշիռների, շահույթների և վնասների բաշխման հաստատումը, ինչպես նաև մասնաճյուղերի, ներկայացուցչությունների և հիմնարկների աշխատանքի տարեկան արդյունքների հաստատումը.

15. Ընկերության գործունեության հիմնական ուղղությունների որոշումը.

16. Ընկերության գույքի օտարման և ձեռք բերման հետ կապված գործարքների (այդ թվում այլ տնտեսական ընկերակցություններին և ընկերություններին մասնակցելը) հավանություն տալը, որոնց արժեքը գերազանցում է կանոնադրական կապիտալի 1/4-ը:

17. Ընկերության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը:

18. Ընկերության և նրա ղեկավարության դեմ դատական գործընթացներում Ընկերությունը ներկայացնելու մասին որոշման ընդունումը:

19. ղեկավար պաշտոնատար անձանց աշխատանքի վարձատրման պայմանների որոշումը:

Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև սահմանափակ պատասխանատվությամբ ընկերությունների մասին օրենքով և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:

7.3. Ընկերության ընդհանուր ժողովի իրավասության վերաբերվող հարցերի լուծումը կատարվում է ժողովի նիստում կամ հարցման միջոցով: Այդ դեպքում որոշման նախագիծն ուղարկվում է մասնակիցներին, որոնք պետք է գրավոր հայտեն իրեց կարծիքը: Հարցման միջոցով հարցը համարվում է ընդունված բոլոր մասնակիցների համաձայնության դեպքում: Հակառակ դեպքում գումարվում է ընդհանուր ժողովի նիստ:

Ժողովը համարվում է իրավասու, եթե ներկա են ընդհանուր ձայների 60% ունեցող մասնակիցները (նրաց ներկայացուցիչները): Սույն կանոնադրությամբ նախատեսված դեպքերում (երբ քննարկվող հարցը պահանջում է բոլոր մասնակիցների միաձայնություն) ժողովն իրավասու է բոլոր մասնակիցների (նրանց ներկայացուցիչների) ներկայության դեպքում:

Սույն կանոնադրության 7.2. կետի 1,8,11 և 16 ենթակետերով սահմանված հարցերի շուրջ որոշումներն ընդունվում են ժողովին մասնակիցների ձայների երեք քառորդով, 12 և 14 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների որակյալ մեծամասնությամբ, 2,4,5 և 6 ենթակետերով սահմանված հարցերի շուրջ որոշումներն ընդունվում են Ընկերության մասնակիցների միաձայն որոշմամբ, իսկ մնացած հարցերի շուրջ ժողովին մասնակցողների ձայների պարզ մեծամասնությամբ:

Ընդհանուր ժողովին մասնակցելու իրավունք ունեն (առանց ձայնի իրավունքի) տնօրենը, վերստուգիչ հանձնաժողովի անդամները կամ վերստուգողը, աուդիտն իրականացնող անձը:

Յուրաքանչյուր մասնակից իրավունք ունի պահանջելու հարցերի քննարկում ժողովում, այն պայմանով, որ այն ներկայացված լինի նիստն սկսելուց առնվազն 25 օր առաջ:

Ընդհանուր ժողովի նախագահը կազմակերպում է արձանագրության վարումը: Արձանագրությունների գիրքը ցանկացած ժամանակ պետք է ներկայացվի մասնակիցներին: Նրանց պահանջով արձանագրությունների գրքից տրվում են հաստատված քաղվագքեր:

7.4 Ընդհանուր ժողովները գումարվում են ոչ պակաս, քան տարին երկու անգամ: Արտահերթ նիստեր գումարվում են Ընկերության մասնակիցների ընդհանուր ժողովի նախագահի կողմից, կանոնադրությունում նշված հանգամանքների առկայության դեպքում, գործադիր մարմնի կամ վերստուգիչ հանձնաժողովի (վերստուգողի) որոշմամբ՝ Ընկերության մասնակիցների ընդհանուր ձայների 20%-ից ավելին ունեցողների կողմից՝ ցանկացած հարցի կապառությամբ: Եթե 20 օրվա ընթացքում նախագահը չի գումարում նիստ, ապա վերջիններս իրավունք ունեն իրենք գումարելու այն:

7.5 Ընկերության ընթացիկ գործունեության ղեկավարությունը իրականացնում է տնօրենը:

Տնօրենը լուծում է բոլոր հարցերը, բացի մասնակիցների բացառիկ իրավասությանը վերաբերվող հարցերից: Տնօրենը կազմակերպում է ընդհանուր ժողովի որոշումների կատարումը, հաշվետու է ընդհանուր ժողովին և իրավունք չունի մասնակիցների համար պարտադիր որոշումներ կայացնելու:

Տնօրենը իրավունք ունի առանց լիազորության գործարքներ կատարել Ընկերության անունից, եթե գործարքի գումարը չի գերազանցում կանոնադրական կապիտալի 25%-ից:

Ընկերության տնօրենը պետք է գործի բարեխղճորեն և ողջամիտ՝ ի շահ իր կողմից ներկայացվող Ընկերության: Նա պարտավոր է Ընկերությանը հիմնադրի և (կամ) մասնակիցների պահանջով հատուցելու իր կողմից Ընկերությանը պատճառած վնասները, եթե այլ բան նախատեսված չէ օրենքով կամ պայմանագրով:

7.6. Ընկերության տնօրենը իր իրավասության սահմաններում

- առանց լիազորագրի գործում է Ընկերության անունից.
- տնօրինում է Ընկերության գույքը, այդ թվում ֆինանսական ռեսուրսները.
- կնքում է պայմանագրեր, այդ թվում աշխատանքային.
- տալիս է լիազորագրեր.

- բանկային հիմնարկներում բացում է հաշվարկային և այլ հաշիվներ.
- հաստատում է հաստիքներ.
- իրականացնում է ՀՀ գործող օրենսդրությանը չհակասող, Ընկերության կանոնադրությամբ իրեն վերապահված կամ Ընկերության ընդհանուր ժողովի կողմից տրված այլ լիազորություններ և հանձնարարություններ:

7.7. Տնօրենի գործունեության նկատմամբ վերահսկողությունն իրականացնում է վերստուգիչ հանձնաժողովը, որը ստեղծվում է մասնակիցների, կողմից իրենց կազմից և Ընկերության աշխատանքային կոլեկտիվի անդամներից այն քանակությամբ, որը սահմանված է ընդհանուր ժողովի կողմից:

Տնօրենը չի կարող լինել վերստուգիչ հանձնաժողովի անդամ:

Վերստուգումը կատարվում է ոչ պակաս, քան տարին մեկ անգամ, ընդհանուր ժողովի պահանջով կամ վերստուգիչ հանձնաժողովի սեփական նախաձեռնությամբ: Վերստուգիչ հանձնաժողովն իրավունք ունի Ընկերության պաշտոնատար անձանցից պահանջելու իրեն ներկայացնել բոլոր անհրաժեշտ նյութերը, անձնական բացատրությունները:

Ընկերության հաշվապահական հաշվառումն ու հաշվետվությունը կատարվում է գործող օրենսդրության համապատասխան:

Ընկերության գործունեության ֆինանսա-տնտեսական վերստուգումը կարող է կատարվել աուդիտորական ծառայությունների կամ Ընկերության վերստուգիչ հանձնաժողովի միջոցով: Վերստուգման արդյունքները քննարկվում են Ընկերության մասնակիցների ընդհանուր ժողովում, որի առջև հանձնաժողովը հաշվետու է: Վերստուգիչ հանձնաժողովը ընտրվում է Ընկերության մասնակիցների ընդհանուր ժողովում, Ընկերության երեք անդամներից (նախագահ և հանձնաժողովի երկու անդամներ) երեք տարվա ժամկետով: Վերստուգիչ հանձնաժողովը ստուգում է Ընկերության ամենամյա հաշվետվությունը, դրամարկորը և կայքը: Վերստուգիչ հանձնաժողովի անդամներ չեն կարող ընտրվել Ընկերության ապարատում պաշտոններ կրող անձիք:

Ընկերության ֆինանսական և տնտեսական գործունեության ստուգումն իրականացվում է գործող օրենսդրության համապատասխան, ՀՀ ֆինանսական և այլ լիազորված մարմինների հսկողական ծառայությունների կողմից իրենց իրավասության սահմաններում: Ընկերությունը պարտավոր է ֆինանսա-տնտեսական գործունեության ստուգում կատարել ոչ ուշ, քան տարին մեկ անգամ:

Վերստուգիչ հանձնաժողովը ստուգումների արդյունքներն ուղարկում է Ընկերության ընդհանուր ժողով: Վերստուգիչ հանձնաժողովը ըստ տարեկան հաշվետվության և հաշվեկշռի կազմում է եզրակացություն: Առանց այդ եզրակացության Ընկերության հաշվեկշռը ենթակա չէ հաստատման ընդհանուր ժողովի կողմից: Վերստուգիչ հանձնաժողովը պարտավոր է պահանջել արտահերթ նիստ, եթե գտնում է, որ Ընկերության շահերին էական սպառնալիք է առաջացել:

Ընկերության տարեկան ֆինանսական հաշվետվության հավաստիությունը ստուգելու համար Ընկերությունը իրավունք ունի ամեն տարի ներգրավել Ընկերության կամ նրա մասնակիցների հետ գույքային շահերով չկապված արհեստական վերստուգիչի՝ աուդիտորի (արտաքին աուդիտ):

Ընկերության տարեկան ֆինանսական հաշվետվության վերստուգումը կարող է կատարվել նաև նրա մասնակիցներից յուրաքանչյուրի պահանջով: Այս դեպքում վերստուգումը կատարվում է այն պահանջող մասնակցի հաշվին:

Ընկերության ընդհանուր ժողովի որոշմամբ վերստուգիչ հանձնաժողովի ֆունկցիաները կարող է իրականացնել վարձատրվող վերստուգողը, որը պետք է հաշվետու լինի միայն դեկավար մարմնին: Որպես վերստուգող չեն կարող հանդես գալ հիմնադիրները (մասնակիցները) և դեկավար մարմնի անդամները: Վերստուգողը կարող է միաժամանակ սպասարկել մեկից ավելի իրավաբանական անձանց:

8. ԸՆԿԵՐՈՒԹՅԱՆ ՄԱՍՆԱՃՅՈՒՂԵՐ ԵՎ ՆԵՐԿԱՅԱՑՈՒՑՉՈՒԹՅՈՒՆՆԵՐ

8.1. Հայաստանի Հանրապետության տարածքում և նրանից դուրս Ընկերությունը չունի մասնաճյուղեր և ներկայացուցչություններ:

“ԱՄԱՏՐՅԱՆ ԵՂԲԱՅՐՆԵՐ”
ՍԱՀՄԱՆԱՓԱԿ ՊԱՏԱՄԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
մասնակիցների ցուցակ

Մասնակցի անունը, ազգանունը անձնագրի տվյալները, հասցեն	Բաժնեմասերի քանակը	Բաժնեմասերի չափը	ստորագրություն
<p>1. Հակոբ Սարգսյան</p> <p>Անձնագիր ԱԱ 0689330 տրված 26.10.1996թ., 007 Հասցեն՝ ՀՀ ք. Երևան Դրոյի փողոց 32., բն. 21</p>	2228	100 %	